

Une sale par pre Bepo

Il Consei regionâl al à aprovât ae unanimitât la propueste trasversâl di intituzion di un stanzie de sede di Udin a Josef Marchet.

» DI CHRISTIAN ROMANINI

Eje stade aprovade ae unanimitât dal Consei regionâl la mozion pe intituzion di une sale de sede regionâl di Udin a pre Josef Marchet.

Il document trasversâl, a firme dai conseis Zecchinon, Violino, Iacop, Gabrovec, Cargnelutti, Gerolin, Edera e Marini, al domandave chest ricognossiment in considerazion de alte valence culturâl e morâl de opare di "pre Bepo Marchet", tal cincuantenari de sò muart.

Predi, insegnant, linguist storiograf, leterât, storic e critic de art, studiôs e promotôr de culture furlane, al è stât ançe autonomist de prime ore: ai 24 di Fevrâr dal 1946 al à fondât, intune cul anarchic Felix Marchi, il periodic par furlan "Patrie dal Friûl", e di chês colonis al à sostignût, cuasi in solitarie, la bataie di Tiziano Tessitori e Gianfranco D'Arconco pe istitu-



zion de Region Friûl. Pe sò coerenza morâl intal 1944, par vè criticât il centralizât dal regjim fascist dilunc di une lezion dongje l'Istitut magjistrâl "Percoto", al à patît il confin fascist a Bobbio. Cuant che al tornâ, al à dât une man ae resistence.

Il Palaç de Region di Udin

PRE BEPO AL È STÂT IL PLUI PREPARÂT E FERBINT SOSTENIDÔR DE COINÈ LINGUISTICHE FURLANE

Al è stât ançe il plui preparât e ferbint sostignidôr de coine linguistiches furlane, ind à regularizade la morfologie intai "Lineaments di gramatiche furlane" fin a proponi soluzion grafichis buinis inmò ore

«
la opare di valorizazion de lenghe di pre Bepo a merete dut il ricognossiment pussibil des istituzion regionâls

presint. La sò plui grande fadie scientifiche – "Friûl. Oms e timps" – al à fat merit ai tancj furlans innoenâts. A difference di tancj altris furlaniscj, al rivâ a formâ ator di se une vere e proprie scuele: i zovins dal grup di "Risultive", cun nons dal calibri di Novella Cantarutti, Dino Virgili, Otmar Muzzolini (Meni Ucel), Lelo Cjanton, Riedo Puppo. Intal 1960 al à vût il premi Epifanie e intal 1965 la Furlane Filologiche i à assegnât la medaie di aur in ricognossiment de sò poderose e disinteressade operositât a pre dal Friûl.

A reson di chest impegn cence padin il con-

sei regionâl al à intindût duncje impegnâ la Zonte regionâl a intitulâ, intal 50n de sò muart, la sale riunions dal tierç plan (3R01) de sede de region Friûl-VJ di Vie Sabbadini a Udin ae memorie di chest promotôr de autonomie, de lenghe e de culture furlane.

Sodisfazion e je stade esprimude ançe de conseire regionâl di Glemone Barbara Zilli, che e ricuarde cemût che "La opare di valorizazion de lenghe furlane che un glemonat doc tant che pre Bepo Marchet al à fate, al merete dut il ricognossiment pussibil de bande des istituzion regionâls, stant che l'avigni dal Friûl al passe ançe par chi. Memoreâ pre Bepo nol vûl di dome celebrâ la nestre storie ma costruî un doman pai nestris zovins".

✉ redazione@friluli.it

SCOLTADIS DI DRIUS

Misteri

Le scienze no jè rivade inmò adore a spiega cemût mai che les feminis e nassin sanis, e vivin di maladis e 'e muerin... veduis.

Europos informis

Dieç, al torne a partî il "Mulin dal Flec" cul contribût de Provincie di Udin

In graciis dal fonts pe mont cambiade la ruede interne ruinade

Eje tornade a partî la ativitât dal storic "Mulin dal Flec" a Dieç di Tumeç, la Provincie di Udin, midiant dal fonts pe mont, e à finanziât facuist di une grove ruede dinteade di len interne che e cjape il puest di chê ruvinade che e à causât il stop dal mulin che nol à masanât farine par diviers mès (dal Mai passât). La grove ruede realzade di un marangon locâl (De Stalls di Tumeç) e je stade instalade intes setemanis passadis cu la soverion dal atual titular dal mulin, Firmino Scarsini. Il mulin a aghe di origins dal Siscent duncje al torne a funzionâ: e je une ativitât che, inte famee Scarsini, si passe di gjenerazion in gjenerazion e che Firmino al à imparât dal nono e dopo dal barbe e che al continue a fâ cun tante passion e cure. "Chi al è il gno cûr" al aferme osservant intal minimis details ogni passaç de lavorazion, de aghe de fontane che e



fâs zirâ la ruede a palis esterne dal mulin ae blave che, a ritmi costant, e va jù inte bocje de muele superior di pier par jessi masanade, ae farine che si cjape sù sul plan di len e che dopo e ven passade tal tamês. Il mulin al è mete di tantis scuells che, dilunc de viste, a puedin capî il funzionament e cemût che si faseve cheste ativitât carateristiche, proprie de civiltât agricule. "La Provincie di Udin e je tant sodisfate di vè contribuât ae riprese di cheste ativitât storiche – al à comentât il president Fontanini che di pòc al à visitât il mulin –, une structure che e inlsiore e e fâs ancjemò plui speciâl il borce di Dieç. No dome. Chest mulin al ricuarde e al valorize la nestre storie, lis nestris tradicions. Un agrât ae famee Scarsini e al siôr Firmino, in particolâr, che si interesse dal mulin, de sò manutencion e che al vierç lis puartis ai zovins".